

491 **E**r mac gerîten noch gegên,
 der kûnec, noch geligen noch gestên;
 er lent âne sitzen
 mit siufzebæren wîzen.
 5 gein des *mânen* wandel ist im wê.
 Brumbane ist genant ein sê;
 dâ treit man in ûf durch süezen luft,
 durch sîner sûren wunden gruft.
 daz heizet er sînen weidetac;
 10 swaz er aldâ gevâhen mac
 bî sô smerzlîchem sêre,
 er bedarf dâ heime mære.
 dâ von kom ûz ein mære,
 er wære ein vischære.
 15 daz mære muoser lîden.
 Salmen, lamprîden
 hât er doch lûtz el veile,
 der trûrige, niht der geile.«
 Parzival sprach al zehant:
 20 »in dem sê den kûnec ich vant
 geankert ûf dem wâge,
 ich wære durch vische lâge
 ode durch ander kurzwîle.
 ich hete manege mîle
 25 des tages dar gestrichen.
 Pelrapeire ich was entwichen
 rehte umbe den mitten morgen.
 des âbents pflac ich sorgen,
 wâ diu herberge möhte sîn;
 30 der beriet mich der æheim mîn.«

n. gestên, *T

↓*G *T

er dâ g. *G (nur GI)

bî sînem ([*]: so V) smerzlîchen s., *T

kom (chom vns I) ein m., *G (nur GI) kom ûz m., *T (nur T)

ez w. *G

doch om. *T (nur T)

»ûf dem *G (nur GI)

*D: D *m: m *G: G I O L Z *T: T V

1 Initiale D G I O L Z T V 16 Majuskel D 19 Initiale I

2 der kûnic, geligen (Der chvnic noch ligen O Noch geligen L) noch gestên; *G (ohne Z) · der kûnec, gelenen (geligen V) noch gegên; *T · noch geligen] ligen *m 3 er lent gar âne sitzen *m 5 mânen] namen D 6 genant] om. *m 13 dâ] do D 16 salmen oder lamprîden (Salmen oder lantfryden m Salmen [*]: oder lantfriden V) *m (V) 18 der geile] ze geil *m 29 möhte] mohte D 30 beriet] riet (reit m) *m